

*Da nôs pa voa azeet gant e dud diouz an dol,  
 Ec'h êru ar penn maro da darc'het var an nor,  
 Hac outan ar relegou dre buissanç Doue,  
 Pere voa ouz en dougnen entre m'oa en bue.*

*An hini a zo savet da ziguéri dezan,  
 Ouz er güelet oc'h antren, a deus da gouezan;  
 Cregui ra an dud emman en avis e zével,  
 Qement e voa spouronet, m'en deus renqet mervel !*

*Avanç a ra an Anaon, hac en deus lavaret :  
 Chomît, va zud, da goania, ne genit den ebet;  
 Ouzit e ran va c'hombat, va c'homper maleurus,  
 Va güelet a res bremâ en cur stad perillus !*

.....

Extrait d'une feuille volante in-12, 12 pp., où ee « Recit » occupe les pp. 7-12, venant après *Disput Etre ur Maro hac an Den Yaouang*. E Montroulez, eus a Impr. Ledan (Morlaix, impr. Lédan).

## X. — CHANSON VAR SUJET AL LABOURERIEN DOUAR

(Archétype des *Laboueurs*)

*Selaouit oll, hac e cléfot cur guentel  
 A zo grêt a nevez var buez al Labourer;  
 Eun etat poannius, n'o deus get calz a repos,  
 Neb e gra gant paciantet a c'honit ar Barados.*

*Eul Labourer en em expos d'an amzer,  
 Qercoulz d'ar yenien evel pa vez an domder;  
 Pa vez erc'h, scorn, caserc'h grizill, curun, glao hac avel,  
 Baleit hac qefot ato en e barq al Labourer.*

*Eul Labourer a zo habillet e lien,  
 Ne ve get brao bemdez evel ma ve ar voure'hizien;  
 E habit zo struillennec, gant an douar labeet,  
 Calz a dud a reng e gaout, hac a granch ous e velet.*

*Differanç a zo etre cundu ar bourc'hiziën  
 Hac an hini a ra lod demeus al labourerien :  
 Ar re-ze o deus qig ha pesqet, bara guen, souben vad bepret,  
 Hac eul Labourer tamou yot, bara sec'h ha dour bervet.*

*Eul Labourer, baleet elec'h ma caro  
 A vezo qagetet, calz a dud en disprizo;  
 Gouscoude qement zo er bed, mar qeront dont da sonja,  
 Eo divar goust al Labourer e ma ar bed oll e veva.*

*D'ar c'henta poent, e ranqo al Labourer  
 Paea taill d'ar roue bep bloas un teir pe peder.*

568

TH. DE LA VILLEMARQUÉ

*D'an eil pa rengo paea e vestr, ma na vez prest e arc'hant,  
E vezo foar var e zannes : homan eo an nec'hamant.*

*D'an drede, e reng paea an deog d'ar person,  
Evel ma zeo ar c'hustum, qementse a zo rézon,  
Ha rei o c'hest d'ar véleyen, an aluzen d'ar beorien;  
Hac evit na fazint get, ar güir d'o servicherien.*

*Eul Labourer c'hoas a vezo cagetet,  
Hac e zannes o vont, n'en deus guer da lavaret.  
Endra e mâ o conta e arc'hant, mignon a c'hoarz dezan,  
Ma c'hallent e guignat e raent, hac ober goab anezan.*

Extrait d'une feuille volante in-16 de 8 pp. (pp. 7-8). *E Montroulez, eus  
a Imprimeri LEDAN. En ma possession.*